



ՆԱՅԱՍՏԱՆԻ ՆԱՆՐԱՊԵՏՈՒԹՅԱՆ
ԳԼԽԱՎՈՐ ԴԱՏԱԽԱՉ

ՆՐԱՄԱՆ № 4/8

«01» 07 2022 թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԼԽԱՎՈՐ ԴԱՏԱԽԱՉՈՒԹՅԱՆ
ՎԱՐՉՈՒԹՅՈՒՆՆԵՐԻՆ ՎԵՐԱՊԱՀՎԱԾ ԳՈՐԾԱՌՈՒՅԹՆԵՐԸ
ՀՍԱԿԵՑՆԵԼՈՒ ՄԱՍԻՆ

2021թ. մայիսի 5-ին ընդունված Հայաստանի Հանրապետության քրեական օրենսգիրքը 2022թ. հուլիսի 1-ին ուժի մեջ մտնելու կապակցությամբ Հայաստանի Հանրապետության դատախազության կանոնադրությամբ սահմանված՝ Հայաստանի Հանրապետության դատախազության գործառույթների իրականացումը վերապահելու, գործառույթները հստակեցնելու, ինչպես նաև դրանց արդյունավետ և համակարգված իրականացումն ապահովելու նպատակով, ղեկավարվելով «Դատախազության մասին» Հայաստանի Հանրապետության օրենքի 9-րդ հոդվածի 1-ին մասով, 2-րդ մասի 4-րդ կետով և 30-րդ հոդվածի 3-րդ մասով՝

Հ ր ա մ ա յ ու մ ե մ՝

1. Հայաստանի Հանրապետության դատախազության կանոնադրության 11-րդ կետով, 12-րդ կետի 1-ին և 2-րդ ենթակետերով նախատեսված գործառույթները օրենսդրությամբ սահմանված կարգով իրականացնում են՝

1) Հայաստանի Հանրապետության գլխավոր դատախազության մարդու դեմ ուղղված հանցագործությունների գործերով վարչությունը՝ Հայաստանի Հանրապետության քրեական օրենսգրքի 9-րդ բաժնով (18.03.2003թ. Հայաստանի Հանրապետության քրեական օրենսգրքի 7-րդ բաժնով), ինչպես նաև Հայաստանի Հանրապետության քրեական օրենսգրքի 297-299-րդ (18.03.2003թ. Հայաստանի Հանրապետության քրեական օրենսգրքի 258,261,262-րդ հոդվածներով) և 508-րդ (18.03.2003թ. Հայաստանի Հանրապետության քրեական օրենսգրքի 353.1-րդ հոդված) հոդվածներով նախատեսված հանցագործությունների մասով՝ բացառությամբ Հայաստանի Հանրապետության քրեական օրենսգրքի 218-221-րդ, 231-232-րդ հոդվածներով նախատեսված հանցագործությունների դեպքերի.

2) Հայաստանի Հանրապետության գլխավոր դատախազության պետական իշխանության դեմ ուղղված հանցագործությունների գործերով վարչությունը՝ Հայաստանի

Հանրապետության քննչական կոմիտեի վարույթում գտնվող՝ Հայաստանի Հանրապետության քրեական օրենսգրքի 42-րդ գլխի 430-434-րդ հոդվածներով (18.03.2003թ. Հայաստանի Հանրապետության քրեական օրենսգրքի 28-րդ գլխի 307.1-307.4-րդ հոդվածներով), 43-րդ գլխի 440-441-րդ հոդվածներով (18.03.2003թ. Հայաստանի Հանրապետության քրեական օրենսգրքի 29-րդ գլխի 309-րդ և 311²-րդ հոդվածներով), 446-450-րդ հոդվածներով (18.03.2003թ. Հայաստանի Հանրապետության քրեական օրենսգրքի 29-րդ գլխի 309¹-րդ, 315-րդ, 315¹-րդ, 315²-րդ հոդվածներով), 44-րդ գլխի 452-460-րդ (18.03.2003թ. Հայաստանի Հանրապետության քրեական օրենսգրքի 30-րդ գլխի 316-326-րդ հոդվածներով), 472-րդ հոդվածով (18.03.2003թ. Հայաստանի Հանրապետության քրեական օրենսգրքի 331-րդ հոդվածով), 45-րդ գլխով (բացառությամբ Հայաստանի Հանրապետության քրեական օրենսգրքի 508-րդ հոդվածով նախատեսված հանցագործության) նախատեսված հանցագործությունների մասով (18.03.2003թ. Հայաստանի Հանրապետության քրեական օրենսգրքի 31-րդ գլխով նախատեսված հոդվածներով)։

3) Հայաստանի Հանրապետության գլխավոր դատախազության տնտեսական գործունեության դեմ ուղղված հանցագործությունների գործերով վարչությունը՝ Հայաստանի Հանրապետության քննչական կոմիտեի կամ պետական եկամուտների կոմիտեի վարույթում գտնվող՝ Հայաստանի Հանրապետության քրեական օրենսգրքի 22-րդ գլխում (18.03.2003թ. Հայաստանի Հանրապետության քրեական օրենսգրքի 32-րդ գլխով նախատեսված հոդվածներով), ինչպես նաև Հայաստանի Հանրապետության քրեական օրենսգրքի 340-րդ հոդվածով (18.03.2003թ. Հայաստանի Հանրապետության քրեական օրենսգրքի 235¹-րդ հոդվածով) նախատեսված հանցագործությունների մասով։

4) Հայաստանի Հանրապետության գլխավոր դատախազության սեփականության դեմ ուղղված հանցագործությունների գործերով վարչությունը՝ Հայաստանի Հանրապետության քննչական կոմիտեի վարույթում գտնվող՝ Հայաստանի Հանրապետության քրեական օրենսգրքի 30-րդ և 31-րդ գլխի սերում (18.03.2003թ. Հայաստանի Հանրապետության քրեական օրենսգրքի 21-րդ գլխով նախատեսված հոդվածներով) նախատեսված հանցագործությունների մասով։

5) Հայաստանի Հանրապետության գլխավոր դատախազության հասարակական անվտանգության դեմ ուղղված հանցագործությունների գործերով վարչությունը՝ Հայաստանի Հանրապետության քննչական կոմիտեի վարույթում գտնվող՝ Հայաստանի Հանրապետության քրեական օրենսգրքի 11-րդ և 12-րդ բաժիններով նախատեսված հանցագործությունների մասով՝ բացառությամբ Հայաստանի Հանրապետության քրեական օրենսգրքի 297-299-րդ հոդվածներով նախատեսված հանցագործությունների (18.03.2003թ. Հայաստանի Հանրապետության քրեական օրենսգրքի 9-րդ (բացառությամբ Հայաստանի Հանրապետության քրեական օրենսգրքի 258-րդ, 261-րդ, 262-րդ հոդվածներով և 26-րդ գլխում նախատեսված հանցագործությունների) և 10-րդ բաժիններով նախատեսված հանցագործությունների)։

6) Հայաստանի Հանրապետության գլխավոր դատախազության բնակչության առողջության դեմ ուղղված հանցագործությունների գործերով վարչությունը՝ Հայաստանի Հանրապետության քննչական կոմիտեի կամ պետական եկամուտների կոմիտեի վարույթում գտնվող՝ Հայաստանի Հանրապետության քրեական օրենսգրքի 13-րդ բաժնում (18.03.2003թ. Հայաստանի Հանրապետության քրեական օրենսգրքի 26-րդ գլխում) նախատեսված հանցագործությունների մասով։

7) Հայաստանի Հանրապետության գլխավոր դատախազության Հայաստանի

Հանրապետության հակակոռուպցիոն կոմիտեում մինչդատական վարույթի օրինականության նկատմամբ հսկողության վարչությունը՝ բոլոր հանցագործությունների մասով, որոնցով մինչդատական վարույթ է իրականացվում Հայաստանի Հանրապետության հակակոռուպցիոն կոմիտեում.

8) Հայաստանի Հանրապետության գլխավոր դատախազության Հայաստանի Հանրապետության ազգային անվտանգության ծառայությունում մինչդատական վարույթի օրինականության նկատմամբ հսկողության վարչությունը՝ բոլոր հանցագործությունների մասով, որոնցով մինչդատական վարույթ է իրականացվում ՀՀ ազգային անվտանգության ծառայությունում.

2. Հայաստանի Հանրապետության գլխավոր դատախազության պետական շահերի պաշտպանության վարչությանը՝ իրականացնել Հայաստանի Հանրապետության դատախազության կանոնադրության 11-րդ կետով և 12-րդ կետի 3-րդ ենթակետով սահմանված գործառույթները:

3. Հայաստանի Հանրապետության գլխավոր դատախազության պատիժների և հարկադրանքի այլ միջոցների կիրառման օրինականության նկատմամբ հսկողության վարչությանը՝ իրականացնել Հայաստանի Հանրապետության դատախազության կանոնադրության 11-րդ կետով և 12-րդ կետի 4-րդ ենթակետով սահմանված գործառույթները:

4. Հայաստանի Հանրապետության գլխավոր դատախազության կազմակերպական-վերահսկողական և իրավական ապահովման վարչությանը՝ իրականացնել Հայաստանի Հանրապետության դատախազության կանոնադրության 12-րդ կետի 5-րդ ենթակետով սահմանված գործառույթները:

5. Հայաստանի Հանրապետության գլխավոր դատախազության միջազգային-իրավական համագործակցության վարչությանը՝ իրականացնել Հայաստանի Հանրապետության դատախազության կանոնադրության 12-րդ կետի 6-րդ ենթակետով սահմանված գործառույթները:

6. Հայաստանի Հանրապետության գլխավոր դատախազության ապօրինի ծագում ունեցող գույքի բռնագանձման գործերով վարչությանը՝ իրականացնել Հայաստանի Հանրապետության դատախազության կանոնադրության 12-րդ կետի 7-րդ ենթակետով սահմանված գործառույթները:

7. Սույն հրամանի 1-ին կետի 1-6-րդ ենթակետերով նախատեսված վարչություններին՝ օրենքով և սույն հրամանով նախատեսված անմիջական դատախազական հսկողության և դատավարական ղեկավարման գործառույթներն իրականացնել այն բոլոր հանցագործություններով, որոնցով մինչդատական քրեական վարույթն իրականացվում է Հայաստանի Հանրապետության քննչական կոմիտեի կենտրոնական մարմնի ստորաբաժանումներում կամ, վերաբերելի դեպքերում, Հայաստանի Հանրապետության պետական եկամուտների կոմիտեում:

8. Հայաստանի Հանրապետության գլխավոր դատախազության տարբեր վարչությունների իրավասությանը վերապահված հանցագործությունների համակցությամբ նախաձեռնված քրեական վարույթներով Հայաստանի Հանրապետության դատախազության կանոնադրությամբ նախատեսված գործառույթներն իրականացնում է այն վարչությունը, որի իրավասությանը վերապահված է առավել ծանր հանցագործություններով համապատասխան լիազորությունների իրականացումը՝ բացառությամբ Հայաստանի Հանրապետության քրեական օրենսգրքի 322-325-րդ

հողվածներով նախատեսված հանցագործությունների հետ համակցությամբ դեպքերի, որոնց նկատմամբ համապատասխան լիազորություններն իրականացնում է Հայաստանի Հանրապետության գլխավոր դատախազության հասարակական անվտանգության դեմ ուղղված հանցագործությունների գործերով վարչությունը: Ծանրության հավասար աստիճան ունեցող հանցագործությունների դեպքում Հայաստանի Հանրապետության դատախազության կանոնադրությամբ նախատեսված գործառույթներն իրականացնում է սույն հրամանի 1-ին կետում նշված՝ հերթականությամբ սահմանված վարչությունը:

Եթե հանցագործությունների համակցությունը ներառում է սպանության (բոլոր տեսակների), ինչպես նաև Հայաստանի Հանրապետության քրեական օրենսգրքի 322-325-րդ հոդվածներով նախատեսված հանցագործությունների դեպքեր, ապա Հայաստանի Հանրապետության դատախազության կանոնադրությամբ նախատեսված գործառույթներն իրականացնում է Հայաստանի Հանրապետության գլխավոր դատախազության մարդու դեմ ուղղված հանցագործությունների գործերով վարչությունը:

9. Եթե քրեական վարույթով նախաքննության ընթացքում առաջադրված մեղադրանքը փոփոխվում է կամ քրեական հետապնդում է հարուցվում այլ հանցագործության վերաբերյալ, ապա Հայաստանի Հանրապետության գլխավոր դատախազության համապատասխան կառուցվածքային ստորաբաժանումը շարունակում է Հայաստանի Հանրապետության դատախազության կանոնադրությամբ նախատեսված գործառույթների իրականացումը՝ բացառությամբ այն դեպքերի, երբ քրեական հետապնդում է հարուցվում սպանության (բոլոր տեսակների) կամ Հայաստանի Հանրապետության քրեական օրենսգրքի 322-325-րդ հոդվածներով նախատեսված հանցագործությունների կապակցությամբ, որոնց դեպքում Հայաստանի Հանրապետության դատախազության կանոնադրությամբ նախատեսված գործառույթներն իրականացվում են, համապատասխանաբար, սույն հրամանի 1-ին կետի 1-ին կամ 4-րդ ենթակետերով սահմանված կարգով: Եթե քրեական վարույթի նյութերով նախաձեռնվում է նոր քրեական վարույթ և տվյալ վարույթները միացվում են մեկ վարույթում, ապա Հայաստանի Հանրապետության դատախազության կանոնադրությամբ նախատեսված գործառույթներն իրականացվում են սույն հրամանի 7-րդ կետի դրույթներին համապատասխան, իսկ եթե վարույթները չեն միացվում կամ քրեական վարույթից մաս է անջատվում՝ սույն հրամանով սահմանված ընդհանուր կարգին համապատասխան:

10. Հայաստանի Հանրապետության քրեական դատավարության օրենսգրքով սահմանված կարգով քրեական վարույթը Հայաստանի Հանրապետության հակակոռուպցիոն կոմիտե կամ ազգային անվտանգության ծառայություն փոխանցվելու դեպքում Հայաստանի Հանրապետության դատախազության կանոնադրությամբ նախատեսված գործառույթներն իրականացվում են, համապատասխանաբար, սույն հրամանի 1-ին կետի 7-րդ և 8-րդ ենթակետերով սահմանված կարգով:

11. Սույն հրամանով սահմանված կարգավորումները չեն գործում, եթե օրենքով կամ Հայաստանի Հանրապետության գլխավոր դատախազի հրամաններով, իսկ բացառիկ դեպքերում՝ կոնկրետ դեպքով, հանձնարարությամբ այլ բան է նախատեսված:

12. Սույն հրամանով չկարգավորված դեպքերում դատախազական գործառույթների իրականացման կարգը որոշում է Հայաստանի Հանրապետության գլխավոր դատախազը:

13. Հայաստանի Հանրապետության գլխավոր դատախազության վարչությունների պետերին, մարզերի, Երևան քաղաքի, Երևան քաղաքի վարչական շրջանների դատախազներին՝

Հայաստանի Հանրապետության գլխավոր դատախազի հրամաններով և

հանձնարարականներով, Հայաստանի Հանրապետության դատախազության կոլեգիայի որոշումներով սահմանված հանձնարարությունները կատարել սույն հրամանով նախատեսված գործառույթների բաշխմանը համապատասխան:

14. Սույն հրամանն ուժի մեջ է մտնում 2022 թվականի հուլիսի 1-ից: Սույն հրամանն ուժի մեջ մտնելու պահից ուժը կորցրած ճանաչել «Հայաստանի Հանրապետության գլխավոր դատախազության վարչություններին վերապահված գործառույթները հստակեցնելու մասին» Հայաստանի Հանրապետության գլխավոր դատախազի 2019 թվականի սեպտեմբերի 25-ի N 40 հրամանը:

15. Հրամանի կատարման վերահսկողությունը դնել Հայաստանի Հանրապետության գլխավոր դատախազի տեղակալների վրա՝ ըստ նրանց հանձնարարված ոլորտների:

16. Սույն հրամանն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին և ավագ դատախազներին, Հայաստանի Հանրապետության զինվորական կենտրոնական դատախազության բաժինների պետերին և ավագ դատախազին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազներին, Հայաստանի Հանրապետության դատախազության գլխավոր քարտուղարին, Հայաստանի Հանրապետության գլխավոր դատախազի խորհրդականներին ու օգնականներին:

Ա. ԴԱՎԹՅԱՆ

